

ALL NATIONS GOSPEL PUBLISHERS



www.angp-hb.co.za



info@angp.co.za

NINSAAL SUNR BEE SIIG GOTTING

(LINA KA TI ZANG FOTO NAM PIIGA MAMIS)

Gbangbil kanga ne li ma'amsa la daa yine France tengin na nwane yuma 1732. Ka li buon ye "Siig Gotting" bee sunr Gbang ka di yelsidi dini bee li puugun la zug ka ti lebigi li pia'ad buudi kon'obkon'obin ye so' mekama za'a nyangi karim. Nidib bedigo bang sida la kaanb kudugun lini pe' il kaanb paaligin la "Sunr paal ne siig ka m ye m zangi tisi ya ... ka ya na a' m nidib ka mam me na a' ya Wina'am." (Ezekiel 36:26-28).

Copyright ANGP

COPYRIGHT

ISBN 0 - 947052 - 65 - 8

ALL NATIONS GOSPEL PUBLISHERS

P.O. Box 2191, Pretoria, 0001, R.S.A.

(A Gospel Literature Mission financed by donations)

(Reg. No. 61/01798/08)

NINSAAL SUNRI A SI'EM LA

WINA'AM DOOG BEE SUNTANA TUUMA ZI'EK

(1 John 3:4-10)

Fu ya karim gbang kanga nwa' bangim ye li nwanne funa nok gotting n gosi fu meng ne. Fu ya bang ne Yisa bee fu ya'a po bango fu nye fu meng nwanne Wina'am me nyetif si'em la. Ninsaal got ne ningbina, amaa Wina'am got ne sunrin la (1 Sam. 16:7). Wina'am po belim ninsaala. Suntana ane ziri wusa dim ba'. O ane lig na'biig ne dunia Wina'am one tiak o meng nwane kasi maliak ne n ma'ad ninsaalib. Sanga be'ed bama nwa' ziri nodiesidib n be. Bama pan'asidi ba meng ye ban ane Yisa nidib. Bi'esug kai ye suntana ntiak o meng n lieb neesim maliakaa (2 Cor. 11:13-14). Dunia wusa na'aba asuntana ligil ninsaalib nini ne ba sunya ka ba ku nyangi bang ye Wina'am nongi ba, bee Yisa daa kpil ba yela. Tuumbe'ed yadda ka'alim dim wusa ane kum ne zunzuos Wina'am nifin. Ba na'ab ane dunia nwa Wina'am siig la (Eph. 2:2) bee ka ba nini paam yo'ogir ka ba bang be'ed kan puugin ka ba be' la ne sa'ung dini n kenne ba sa'an la. One ma'a ye on ka'a tuumbe'ede o pan'asidi o meng. Ki'e simi suntana ka o na zo ka basi ya, lieli Wina'am ka o me na li'eli ya baba (James 4:7,8).

Fu ya'a karim gbang nwa ka gos foto nam nwa, li ane ti winsosug ye fu na nye fu sunr, zi'esik dini ka Wina'am neesim nie fu sunrin. Siakimi fu tuumbe'ed la ka da ki'is ye ba po mi'ii, bozugo, Wina'am yelug yeti ti yee tinam ya'a yel yee ti ka' tuumbe'ed maaniba ti ma'ad ne ti meng, ka sida la ka'a ti nii amaa ti ya'a sos Wina'am suguru o ane sida ne nonglim sob ka na kee ti tumbe'ed wusa. Fu bene suntana nu'usin bee Wina'am ni? Fu ane suntana yammuk bee Wina'am dinne? Tuube'ed ya'a so'ogufu fun da ki'ise amaa kasim tis Wina'am ko na faanf Yisa ma'asim zug, one daa ti kenna sa'am suntana ne dunia wusa tuumbe'ed pang. One a' ti faagid dinzugo

Wina'am nyeti fu yel sua'ada, fu sunrin, fu nyovur wusa. Li toi ne fun naa sua' fu yel ne Wina'am bozugo, one daa naam tuba, maal nini la Konyangi wum bee? Wina'am nini nyet ne si'ik wusa, nya'ang, dagobug, dating ye o bigis ye o mor pang, ka na ton'on sung popielim dim (2 Chron. 16:9). "O nini nyet ninsaal wusa sunr ka baŋgid o kena wusa. Lig ne kum ma'asim kai zi'ikan ka tuumbe'ed dim na sua'a ba menga" (Job 34:21-22).

"Amaa Yisa da pu pesigi omengi tisi baa bozugo o da mi' ninsaalib wusa a' si'em" (John 2:24).

Dinzugo, "bareka be on wusa tuumbe'ed m paam suguru, bareka be on wusa ka Wina'am pu nye taal onii" (Matt. 11:28-30). "Yisa buon zina ye kemina yanam bane ziid zi tebisa la wusa ka m na tisi ya yolisim."

FOTO NAM LA PA'ALUG

YIIGA FOTO

Foto kanga pa'ane one zi' Wina'am sunr on ka dunia sibe'ed bee o ni. Foto kanga ane sida nwenne Wina'am nyetifu sunr si'em la. Ka nid la nini mu' oi la pa'an ne danuud yela (Prov. 23:29-33). "One a toog bee sun sa'ang one mor fufum, nya'angkaar, ninfier. One bang daam zaba da got daam ne li malisim laa, bozugo di ya'a bugufo wane waaf ne. Fu nini yu'un na bene po'abin, ka sunrin ten'esa wusa a' be'ed gullomm Foto kan ka fu nyet nwa pa'an ne ninsaal sunr, ka bungkobid bani be la pa'an ne tuumbe'ed kon'ob kon'ob dine be ninsaal sunrin. Sunr la a' tuumbe'ed wusa zi'ig. Wina'am yet Jeremiah ni ye "So'o kai n na nyangi bang ninsaal suf la a' si'em ..." (Jeremiah 17:9).

Yisa meng yel ye "ya sunrin la ka tuumbe'ed wusa yit na, po'a sa'ang, ningkuur, na'ayigim, fufum, bugusum, ziri, karigimbaani, yalim ne'enam wusa yit ne sunrin na ka sa'am Ninsaal" (Mark



1. Tuumbe'ed sob sunfu a' si'em la

1. Niing la yela – Niing la venl si'em ninsaal nifin la, li ma'amsid ne wiligim meng. Lucifer on ka Wina'am daa gang o ka o be neesim ni la da wiligi o meng n galis ka lieb Wina'am dataa. (Isa. 14:9-17; Ezek. 29:12-17). Wiligimeng wit ne suntana ni, ninsieba wiligit ne ba meng ka li ane ba gbang mililim zug, ka sieba a' venlim zug ka ba nied ba meng paalo ka pu zot nyan ne (Isa. 3:14-24). Ka ninsieb me pa'ani ba meng ba yaanam zug, ba so' ilim, ba buudi malima, ka tamid ye Wina'am kisne wiligimeng sob ka lee tid sikim meng dim yolisim (1 Peter 5:5). Wina'am kisna wiligimeng buudi wusa (Prov. 8:13). Wiligimeng kenne luug ne sa'ang ni (Prov. 16:18).

2. Baa la yela – Baa la ma'amsid ne ningbina boodim wusa, po'asa'ung ne tuumbe'ed buudi wusa. Bam nwa pa'an ne dunia nwa ka ke Yisa yelug yuma tusa ayi dine da gaad la ye dunia sa'ung la na ti wanne Sodom ne Gomorah daar la ne. Wina'am nidid wenni Joseph, Elijah, ne Elisha nam tuuma la nidib pu lem gottiba ye ba za'amisi ba tuumsuma laa, Wina'am yetti ti ye da di'em ne tuumbe'ed baa bi'elaa bozugo dina sa'ami ti siig, Wina'am yet ti ti ye ti da bood po'aba bozugo tuube'ed wusa po paad ningbina la amaa po'asa'ung la'am paad ne fu siig (1 Cor. 6:18,19). Ya zi' ye ningbina la ane Wina'am doogoo, one sa'am Wina'am doog Wina'am me na sa'amu bozugo doog la ane kassi ka Wina'am bee ani (1 Cor. 3:17).

3. Kukurla yela – Kukur la pa'ane danuur ne kukoma'asim, o ane bungkob kane a' di'ad sob n dit bun lin wusa ka o nye, li ya'a ane bunsung bee bunbe'ed wusa. Ala men ninsaal kani zi Wina'am la o sunr tum ne lin wusa kenne o pote'erin na, ka o tum ka pu gu'usida ka bangid ye li ku sungoo. Ningbing la ane Wina'am meng doog, one zangi li ka li lieb tuumbe'ed bun, n mori nuud daam, bood po'ab, n nyuun taaba, ka zang nyovur ka li lieb da'ungui auk ka nyo'os n yit ne nyeesim. Taba

nuub lieb ne tuum billi n tis dap ne po'ab hali ka li a' dasam ne po'asada wusa tuum. Wina'am ma'aa na ton'om bang nimbama nwa nyi suntana sa'an. Bane ma'a ye ba ane karim biis la me sua'adi tum tuum bama nwa wusa, ka tam ye Wina'am nyeti ba. Paul yel ye, "Ya zi' ye ya ane Wina'am doog ka o siig la be ya ni! Ka on wusa sa'am Wina'am doog la Wina'am me na sa'am o (1 Cor. 3:16,17; 6:18,19).

Wina'am biis po mor kuko ma'asim. Ti dit ne ye ti voi ka ti po voi ye ti dit ma'aa ne. Danuud ne kuko ma'asim dim na kpi ne nong, ka gbaya'am sob na ye' neem on dol pitoog dimi n ningid si'em la (Prov. 23:21 ne 28:7) tiem ye arzak daan la kuko ma'asim ne tuumbe'ed daan la n daa kpila, o daa zi on na maal siem. Ku'onuud daa ka li ne na ton'on tuase. Li ka' na'ana ka ti na tua'ase ama Wina'am yeti ti ye ti ya'a nuud daam, ti ku kpe' avizanaa. Daam ka' bun songo, li ket ne ka danuudib bu'ud taaba ka po'a lim taab n tum tuum kan ka ninsaal ku tuum. "Danuur ket ne ka fu du'usi di fu meng ne zolim. Li ane yalimis fun naa nu daam" (Prov. 20:1).

Bani maan daam ne bani nuud la ane yinni Wina'am tuon. Lizugoo, toog be danuudib ne dakuosidib ni (Isaiah 5:22). Toog me be one tisi o kpia' daam (Hab. 2:15). "Asida sida, ya mi' ye tuumbe'ed sob kudum ku paam Wina'am so'olim laa. Da ma'a ya menga; nimbane a' dia'ad nidib bee bane maan bada bee bane zuud bee fufum dim bee danuudib be bani ma'ad taab bee na'ayiis – bama wusa ku paam Wina'am so'olim laa" (1 Cor. 6:9,10).

Ti tuumbe'ed dunia nwa ni ane pa'alug bane ka sieba da'a kisigi ba taaba, zab ya alis, bane tum bama la ku nye Wina'am (Gal. 5:19-21). "Ti ninsaalib boodim ningid si'el la nie paalo, ka ket ka nidib mor po'asa'ung ne dia'ad tuuma ne tuum yalis ne ba'a maalug ne sontuuma ne data tuuma, zabtaasim, nyuur, sumpeen, dindiisim, nwa'asug. Ka ninsieba zabid ne ninsieba

ba ten'esug yela. Ka nidib mor fufum ka kuun daam ka mor di'em yalis ne si'elnam bane a' bama buudi. M yet ti ya wuu mam daa yeli ya si'em la ye, on mekama ningid bama ku nye Wina'am so 'olim laa." "Da nuui daam kuuliya, amaa kel ka Wina'am siig pe'eliya" (Eph 5:18).

Yisa yeti ti wusa ye "Kemina nuue ka paam laafi kane ka' naare. Kemina n die ku'om dini a' laafiya ka pu yooda on wusa n nu ku'o kan ka m tisiya nwa ku'onuud ku gba'aw" (John 7:37,38; John 4:14; Isaiah 55:1).

4. Kpa'akur la yela – Kpa'akur la pa'an ne gbaya'am ne soog yela. Yadda ka'alim nwanne soog ne, "gbaya'am sob la boodim kuudu, bozugo o meng ku siaki tum tuumaa. O ied ne bun wusa ne fufum" (Prov. 21:25-26). Joshua daa ti yel Israel nidib la yel "da zotti gbaya'am ne teng la diere." Ninsaali ane gbaya'a' zangi ken Wina'am ni. Yisa da yel ye "Kpen'engimi ya meng kakpen' za'anoor siakin la" (Luke 13:24). "On wusa ied na nye bozugo Wina'am so'olim ane namisug ka namisug puugin' ka fu me na yee li" (Matt. 11:12).

Ti bang-ya zangi ken Wina'am so'olim ne ti siisin; -li ket ne ka ti pu sosid Wina'am, pu ied Wina'am yel sua'ada la, pu paamid Wina'am yelsuma lini ta'asid ti belim nii. Wina'am ya'a buol zinna ye fu nokki fu sunr n tis o, suntana na yelif ye fu kel ka beog bee daasi'er ka beog pu nie ka fu kpi ka pu nye faagid la. Wina'am yel ye "fu ya'a wum o kukor zinna fu on da za'ase" (Heb. 3:7-8). Nidib bedigo paam sa'ung zangi ken ban pu siak Wina'am yelug la, Linzugo beog ka'a ti din ne.

Kpa'akur la pak la ka soonb mori tummi ba tuuma ka kpe'engimeng pa'an ne yadda ningir poogin ban naa ning Wina'am yadda si'em. Wina'am one so'oe si'el wusa yel ye "ti ningim yadda ti yamleeag puugin ne ti toog ne ti namsa buudi wusa puugin ka o na be ne ti. Bozugo Wina'am so'oe popielim

sob wusa” (Ps. 37:23). “On wusa ka’ laafii on buol Wina’am nidib ka ba sos Wina’am tis o ka yadda Winsosug na ma’ae ba’as la ka o ya’a tum ne taal gba’ Wina’am na tis o suguru” (James 5:14-16). “Yangir wusa yitne Wina’am sa’an na” (Ps. 75:6,7). Wina’am daa ti yel ye Israel nidib ye so’ da ke ka o biig gang buguum lini a soogo, ba’akolug, bugum bee sibe’ed tuum nii, bozugo bani tum ne’enam wusa ane Wina’am dataas (Deut. 18:10-12). “Ban wusa ka’a Wina’am so’olim la ni tuuma bene li kon’, po’aboodib, ningkuudib, ba’amaanib ne ziri dim” (Rev. 22:15). Karim Levit. 19:31 ne Isaiah 8:19-20 ka li ye da tum bun bama nama Wina’am zug.

Fu ya’a karim gbambil kanga nwa Wina’am la na yelif ye kel dunia nwa yela ka zangi fu meng n tis Wina’am, amaa kpakur pak la ket ne ka fu ten’esid ye m ya’a bas daam nuub ka bas ba’abogubo m na ning wala ka tam Wina’am nongilim tita’ar la yela ka dabiem mor o. Wina’am biig la da kena kpi ye o faae ban ka kum dabiem mori ba, ba nyovur belim ni ka tisi ba yolisim (Heb. 2:14,15). Fu ya’a siak Wina’am yelug la, ka fu ya’a pu siake, fu sunr na kpi’emi wuu kpa’akur gbang me.

5. Gbaa weegbaa la yela – Webaa la ane bungkob bugus. Kisigir ne supeen lini be ninsaal puugin la ket ne ka o a’ ningkuud. Fu na ton’on modig hali ka gba’ae fu meng amaa fu na nye ka fu tum yel lini ka fu zi’, li sum ye fu bang ye fu meng n tum taal la ka sos suguru Yisa sa’an lizug. Da mor nindaloore (Gen. 45:5; Ps. 37:8; Prov. 27:4; Col. 3:8). Da mor sumpeen ne. Dabiem dim nuud ne daam lini na ke ka ba nyangi tum tuum-be’ed (Deut. 32:33). Be’ed yoob ane lini malisi ti suya ni, amaa Wina’am a’ ti seria kat. Yisa yel ye nongi fu tiran wuu fu meng ne ka tis fu dataa suguru. Wina’am yel ye ti ya’a tisi ti dataa suguru ome na tisi ti suguru. Wina’am kisne nyunyolug sob ninsaal ten’esug wusa ane be’ed amaa one bood sumalisim asee ka o siak Wina’am noor.

6. Waaf la yela – Waaf la da ma' Hawa Eden lombo'og puugin la lini daa ke ka ninsaal la'asug la sa'am ne Wina'am. Suntana daa nye zuod la'asug lini be Wina'am ne ninsaal soogin la ka bang ye ninsaali so'oe dunia wusa la fufum daa mor o ne paam, fufum kanga nwa zugoo suntana daa ti paam suokan ka o na nyangi sa'am Wina'am ne ninsaal zuod la'aung la. Fufum kanga nwa buudu be ninsaal sunrin ka o ya'a nye ka so' mor si'el ka on pu moraa li aaw ne fufum. Ninsaal kane mor fufum sunr nwanne yaauk ne, ka lina ton'on mor ninsaal kuubu li puugin na nwanne po'a diib ne kum kpi'eng (Solo. 8:6). Hali Wina'am tumtumrib pu yi yelkanga nwa nii Linzugo zi'enimi kangkang ne Wina'am nongilim lini na ke ka Wina'am siig la tisiya pang lin ka suntana ku nyangi sa'ami ya Wina'am tuma nii.

7. Long la yela – Long la pa'an ne ligidnongir lini a' tumbe'ed wusa nya'ar (1 Tim. 8:10). Long sieba ya'a nye diib ba dit ne hali ne ban na ti bas. Dasung sob pu siakit ye o zang o si'eli tis so' baa bi'ela amaa ke le kpen'engidi o meng ye o paam dunia nwa ariza'as wusa lini na sa'am dunia nwa ni. Yisa meng daa yel ye "One digili o ariza'as dunia nwa ni na'ayiis ne muak ne sibik na sa'amili." "Amaa digilimini ya ariza'as arizana ni zi'ikan ka na'ayiis, muak ne sibuk ku nyang n sa'amilii bozugo zi'ikan ka fu arizas be la ani ka fu poten'er wusa me na be" (Matt. 6:19-22). Achan ne o yidim wusa daa ti sa'am ban da nong salima ne anzurfa lini a' dunia nwa ariza'as la zug (Joshua 7). Judas Iscariot one a Yisa ya'andol la daa ti yuli o meng bozugo ligidnongir ke ka o ku' dunia wusa faangir. Ka'a ligidi bee salima la a' be'ede amaa lignong galisug la a' be'ede. Nidib tusa-tusa kpiya ka li ane ba nong ne ligidi n galis. Ba dol sueya kon'ob-kon'ob nwanne lotto ki'ib, lignon galisug ta'asid ne na'ayiigim ne ningkuur, ligidnongir mor zuanam bedigo wenne kpi'eng ne, li ton'on a' ligidi pang ka fu mor namisid tadimnam bee karimbiidug pang ka fu mor namisidi fu taaba Wina'am doogin (Mark 9:38). Yisa da yel ye "gu'usimi ya meng ne ariza'as bozugo ninsaal nyovur ka'ane amor bedigo zugo" (Luke

12:15). Ka siilimi ba siiling ye, “dau daa be n a’ arizak daan. Ka o poog zood maal bedigo. Ka o ye o peten’erin ye, paalo kae ka o na su o zood laa. Linzug o na ning wala? Ka o yeli o meng ye o mi’ on naa ning si’em. O na nwa’ae o buya la m me’ buyalima n su ki la ne si’elnam la wusa, ka yu’un yel o meng ye, m sunf ma’aeya. M na di ka nu bedigo bozugo m mor diib bedigo lini naa diisin yuma bedigo. Ka Wina’am yel ye zoluga, yu’ung kanga nwa m na buoli fu siig ka li yi fu ni. Ka ano’one na so’oe la’abane ka fu maal la? Alamen, ti boom Wina’am arizak ka da bood dunia ariza’ase.” (Luke 12:16-21). “Ka nid ya’a nye dunia nwa la’ad wusa ka kpi o nyood a’ bo? Yel sia’ kae ka nid na nyangi zangi tiaki o nyovure.” (Mark 8:36-37). Ka Yisa yelu o nya’andollib la ye linzug ka m yeti ya ye da ke ka ya belim yela paki ya’ ne lin ka ya na di yelaa, bee fuud lin ka ya na nye lusiya ningbina yelaa. ...Lee iemini o na’am so’olim la, ka o na zang lini kpelim wusa paasi ya ... Ya kpa’am be si’el la, anina ka ya yam me bei (Luke 12:22-34).

8. Suntana la yela – Suntana a’ ziri dim wusa na’ab la one mor tuum wusa ten’esa kenne ti sunrin na. Yisa daa yel ye “ya ane suntana biis ka ya saam la boodim ka ya tum, o daa ane ningkuud hali pi’iligun sa ka pu siak sida laa bozugo sida ka’ o nii. O ya’a ma’ad ziri la o pia’ad nenwenne o meng n a si’em la bozugo o ane ziri sob ne ziri wusa ba’ (John 8:44). “Ziri ka’ billa, ziri si’eba be ka ti sobid, pia’ad ka tum mi ba. Wina’am ku ton’on pia’ bee karim ziri n tis so’oo.” (Titus 1:2). “Ti ya’a ye tinam dollune ka kpelim likin ti ane ziri dim ka sida la ka’a ti nii” (1 John 1:6). Karim (Yisib 22:15). “Wina’am kis ziri kaset sob.” (Prov. 6:19).

9. Nwadbil la yela – Nwadbil la pa’an ne yam lini be ninsaal sunrin la. Lini sa’am ka kpi nyi tuumbe’ed lini ka ti meng bood la ni ka ti ku lem nyangi basili tutuaa ne. Yam b’e’ed kanga nwa ton’on mor malisim bee sunsa’ang sanga sia’a. Li ta’asid

ne lini pu som ye o ten'ese ka o yu'un si'igi faat ka tum tuum bane ka Wina'am pu booda (1 Tim. 4:1,2; Heb. 10:22).

10. Nif la yela – Wina'am nif la nyet ne zi'ig mekama wusa, si'el kai n na ton' sua o nifu ne linzugo o nyet yel sua'ada bane bee ti sunrin wusa. Fu ya'a tua' ka tumi fu tuumbe'ed la likin bee sia'asugkin bee bumbokzulung ni, Wina'am kpelim nyetif Nif la foto la pa'ane ninsaal nindaa wusa a' si'em.


11. Bugum zilim la yela – Bugum zilim la pa'ane Wina'am nongilim zangi ken tuube'emaan la ni. Wina'am kis ne ninsaal tuumbe'ed la ka ka' ninsaal la menga ka linzug ka o buon so' wusa ye o kena paam faangir. Yisa daa ke na ye o faae tuumbe'ed dim, sumalisim tita'ar be arizana n gur bane paam faangir. Bugum zilim lem pa'an ne Yisa ziim lini daa kpa'ae ti tuumbe'ed zugla. "Wina'am pe'ebil one faae dunia wusa la."

12. Maliaka la yela – Maliaka la pa'an ne Wina'am yelug la, Wina'am pia'ad ne tisid tuumbe'emaan nam wusa dau bee po'a woo ye ba kena nning tuba ka paam sumalisim lini ka' naare.

13. Dawan la yela – Wan la pa'an ne sisung one a' yel mengir ne sida one pa'an tuumbe'ed ne tuumsuma ne seria kadib. Sisung pu be ninsaal la sunrinee, bozugo o bene zi'ikan ka tuumbe'ed be. Ka foto kanga nwan ne fu sunr bee? Kaasim buol Yisa, yo'ogumi fu sunr ka o kpe', "ningim yadda ka fu na nye tiligid." Wina'am bood ka kaanb ye o na tiak fu sunr ka tisif su paal ne si paal ka ne'enga pa'an fotonama ayi la puugin.

FOTO AYI LA

Foto kanga pa'an one ning tuba sunr n na a si'em zangi ken Wina'am sa'an. Maliak la mor su'urang lini a' Wina'am pia'ad kane mor pang ka dit ti gaad so'ug kane dit zi'isa ayi n tiesid sunya ne siis bane widig kon'ob-kon'ob ne koba la. One be



2. Tuumbe'ed tiaki o sunrin

ninsaal ten'esa ni ne sunrin (Heb. 4:12). Wina'am pia'ad yel ya ye tuumbe'ed yood ane kum. Ye ninsaal kpine yinni amaa kum nya'ang la a' seria kadib (Heb. 9:27). Ye ka tuumbe'ed dim ne bani ka' yadda la na nye bugum kane dit nwanne kidibir ne kugpiela la. Fu ya'a len gos, maliak la morne zugwang, ka ne'enga pa'an tuum be'ed dim bane tiaki nwanne na'asara la ba wusa kpine ka zunzuya' ne bugula mua'a ba. Amaa siia la on bene ala yuma lini ka'a benne ka na ti nie o meng daar yinni ka Wina'am kadi o seria.

Kpela ti nye ya ka tuumbe'ed sob la pin'ili siakid Wina'am yelug la ka nokki o sunr n tis Wina'am. Ka siisung la pi'ili n nied lik ne tuumbe'ed sob la sunrin Wina'am siig la neesim pang gaad lik tuumbe'ed bane pa'al bungkobid kon'ob-kon'ob la ni asee ka ba zo', fu ya'a karim gbang la kel ka Yisa one a' dunia neesim la na kpen'e fu sunrin ka lik ne lik tuuma la na n yi fu sunrin nwanne lin pa'an foto nam si'em la. Yisa yel ye, "one a' dunia neesim ye one dol o wusa ku keng likine" (John 8:12). Fu ku nyangi bas tuumbe'edi fu meng panga bee ninsaal nam ya'am, suokane pu toiya, pu lalla ka me mor pang ane suor yinni ka lini a' Yisa suor la, kem na ka lik na zo' ka keef. Nwadig ne nwabibis mor neesim amaa winnik ya'a ti yi na ban wusa na bodik. Yisa ane winnik one a kassi. On daa kpen' winpu'us doogin Jerusalem ni la o daa yis bane kuosid niigi ne kobid ne nwana la ka kat lotto kie'idib la ka nok kugus la pibilipibil ka yel ye mam yir na buon ne ye win sosug doog yanam ye ya maal ne ka li nwanne na'ayiis yir (Matt. 21:13). Fu sunr ane Wina'am yir. Obood ye o bee anina vellinga ka ke ka neesim, nongilim ne sumalisim be. Yisa pu kena ye o kpai tisiti ma'aa ne amaa ye o la'am yisiti tuumbe'edin. Yisa ya'a tisif yolisim fu mor yolisim lini kae naare (John 8:36).

FOTO ATANGA

Foto kanga pa'ane one nokki o meng wusa n tis Wina'am ka



3. One ning tuba sunri a' si'em la

o nye tumbe'ed ka nye o tumbe'ed la zem si'em ka ye Yisa kpii o zug la. O ya'a nok dapuudur la Wina'am na pa'al o o sunr la kpi'em si'em ka ane ka o na nye on daa tum si'el ne Wina'am nong o si'em Yisa puugin ka o na bang ye Yisa kena nok ne o tumbe'ed. One bood ye o dol Yisa, li pa'al ye o na namis. Bana kpa'a o nu'us ne o noba n tabil ka o kpi n tis tumbe'ed ka yu'un na nye suori keng Wina'am sa'an fu kane ning ne' wusa.

Fu ya'a karim gbang la fu na nyee fu meng sunr nwanne gotting ne ka na nye fun daa lal ne Wina'am si'em ka o sunr wusa daa sa'am ka o daa pu lem mi'i o menga amaa o ya'a yo'ogi o sunr nannanna n tis Wina'am ka kaasi buol Yisa o na song o. Nongilim ne sumalisim na be ne o. "Yisa ziim la pie o tumbe'ed la wusa" (1 John 1:7). Zugsob la kpine tis bane siediba meng (Ps. 34:18). "Wina'am yelug pa'an ni ti yee ningkanga na gur one zot mam Wina'am ka mor sikimeng" (Isa. 66:2). Wina'am siig la pa'an ne ningkanga nwa Yisa yelug. "M biiga, mor sumalisim bozugo fu paam faangir." Ningkanga na kpe'engi got Yisa ziim kane yiti o lugurin la ka ningid yadda bangid ye o tumbe'ed paam suguru bozugo lini ta'as Yisa kum dapuuda la zug. Yisa daa paam namisug ne sapo'ad tinam tumbe'ed zug. Zugsob Wina'am daa nokki ti tumbe'ed wusa n ziil Yisa ka o kpi ka ti nye yolisim.

Wina'am nongilim siig la pe'eline o sunr one got dapuuda la ne o yadda o si'ingi bangidi o tumbe'ed pamm amaa sunr yu'um Yisa ne faangu la zug (1 John 1:7). O yu'um bang ye one ning tuba ku paam sa'ungo (John 3:16). Bozugo Yisa sa'an ka faangir nyit na, o ziimin la ka ti paam suguru (Eph. 1:7). Tuumbe'ed ten'esa la wusa yine ka bas sunr la n tis siig la "one dengim pa'ali o nongilim ka tumu o biig ka o kena kpii tizug la, nongum Wina'am ne fu sunr wusa.

Foto kanga ni, ti bang bungkobid la wusa ne suntana pu bood

ye o bas o zi'i kudog la baa bi'el laa ka si'ingi ten'esid ye o na paam suori len leb o zi' kudogun, lini-ke ka Yisa yeti ti yee ti gu'usim ka sos Wina'am lini-na-ke ka ti ku kpen' makirinee. Ti ki'isim suntana ka o na zo' ka ke ti.

FOTO ANAASI LA

Foto kanga karimbiig kane a' kassi ka bang Yisa faangir la yela, ka li ya'a a' mam, mam ku n nwen' yo'ok ne si'el yelaa. Zugsob Yisa kum dapuuda zug la ma'aa (Gal. 6:14). Li ane o kum dapuuda zug la ke ka dunia yela pulem so'oma ka mnwanne m kpine ka m ba'a len ka'a li yelaa. Kpa'ami na (Gal. 2:20).

Yisa daa kpine kum dapuuda la zug ye tinam me na kpi n tis tuumbe'ed ka kee voi yelsum ni (1 Peter 2:24). Zi'elug la ane ye ti neesim la ka' dunia nwa boodim (Gal. 4:16,25). Zang guom kan ka ba daa ti lo' Yisa ban daa ti Yeesu o la'ad la be foto kanga nwa ni ne li kpa'assa la wusa la'am be kpela. O daa ti paam namisug bozugo one daa ti zii ti taal wusa. Herod ne o nidib la daa ti sabis Yisa ka ne'enga wusa nya'ang ka ba daa mor o keng kpa'.

Karim biis bedigo be dunia nwani bane ma' ye ban dol ne Wina'am n pia'ad o ka du'usidi o yu'ur ka li wusa nya'angaa, ba len kpa'adune dapuuda la zug. "Ka'a nidid wusa bane buon mam ye zugsoba, zugsoba la na kpen' ari zana nii amaa li ane bane tumme m ba' la boodim" (Matt. 7:21-27). Zi'ikanga ti len nyet Judas ligidi lini ka o daa ti die ka zang Yisa n tis la kolug, bozugo lignong galisug faae o yam la wusa ne.

Fi'ttir ne bans la ka soge nam la daa mori keng gba'ae Yisa, yu'ung kane, sogenam la daa zang ne la'apielisi bugi n bangi pudig Yisa la'ad la lini pe'el Wina'am kaabug la (Ps. 22:18). Ba daa zang Yisa la'ad wusa ka kee o meng ka yel ye tinam pu bood ye ningkanga sob so'o tii. Ninsaala wusa kpe'engid ne.



4

4. Kpiid ne Yisa

n bood ye o paam Wina'am albareka, sakuom ne nintang ka lee pu bood ye ba siak Wina'am yelug laa. Sieba ten'esid ne ye Wina'am bene ye o sung toog sanga ma'aa. Sogenam la daa ti kpan ni n kuns o lugir ka ku'om ne ziim yina (John 19:33-37). Peter daa ki'is Yisa nora ata' ka noraug ya'ang kaas, ka li nya'ang ka o kum li zug. Fu pa'an nidid Yisa ne fu tuuma wusa bee? Fu zot nyan ye fu tua'as nidib Yisa yela bee? Yisa ye "on wusa n tua'as nidib mam yela, m me na tua'asi m ba' o yela, amaa one zoom nyan dunia nwa ni, m me na zo' nyani o yela mba' la tuon" (Matt. 10:32-33). Ka Yisa len yel ye, "on wusa pu zangi m kum dapuuda la zii dolima o pu ze'imis ye o aa m dinne" (Matt. 10:32). Yelsum bene bane wusa n zi'e Yisa zug la.

"Tampi' kane gat si'el wusa,
Fu sa'an ka m be;
Ke ka fu ku'om ne ziim la pobi m sa'an,
Lini na piem tuumbe'ed wusa."

FOTO ANU LA

Foto kanga pa'an tuumbe'ed sob one a' kassi Wina'am sa'an ka li pa'al ye o sunr ane Wina'am doog lini a' ba', biig, ne vo'osimsung. Lin ka Yisa daa kanb la, "nid ya'a nongim o na mori m yelug la ka m ba na nong o, ka ti na ka ti na kena m be o sa'an" (John 14:23). Wina'am girima ne yelsum n du'us ninsaal ka li yine Yisa sa'an na (Luke 1:52).

Sunr nannanna ane Wina'am doog. Tuumbe'ed wusa yiya, li len ka' nwanne suntana daa kpen'es bugkobid si'em laa. Oane ziri wusa ba'. Ti nye sisung one a' sida m be sunr la paugin la, ka ka'a nwanne one a' tuumbe'ed soba. Sunr la yu'un veni ne, yu'un a' tiig kane wen wela lini a' nongilim ne sumalisim, sigkimeng, namisug, yadda. Lina wusa a' sum n tis Wina'am ne ninsaal puugin, ka lini be ne'enga nya'ang ane o bene ne

NONGILIM
SUMALISIM
SUGURU
YADDA
Gal. 5:22,23

SUMMODIGIR
POPIELIM
SUMBUGUSUM
YEISIDA
MENGBAN'AR



5. Wina'am doog

Yisa ka Wina'am yelug la be ne o (John 15:1-10). On pe'el ne sisung la o nye pang kane nyang ningbing ne kukoma'asim ka yu'un kenne ne siig la ka pu len nyet dunia boodim laa, o yadda wusa bene Yisa ni ka o mor ti'ir ye Yisa na lebna. O nongilim wusa bene ne Wina'am lini ka'a naare.

"Wina'am yelsum bene ban sunya a' nyae la, bozugo ba na nye Wina'am" (Matt. 5:8). Na'ab David ne o kpa'am la wusa ne on daa zabi nyangi o dataas la o daa ten'es ka sos Wina'am, "piem sunr ka ke ka m siig kane a' su'unga la na bee m sa'an" (Ps. 51:10). So'o kae n na nyangi n pie o meng sunre, asee ka fu ning tuub nwanne David n daa ning si'em la. Wina'am bood ye o maal si'eli fu nyovur puugin, o bood ye o sunguf ka fu na a' nyae fu siig puugin ne fu tumbe'ed la wusa. "Sun' paalig ka m ye m tisif ka nok bukdir la ka siig la na be nif ka fu na ken mam bood zi'isia wusa" (Ezek. 36:25-27). Ka'anb paalig la gbini nwana, lini a' Yisa ziim la. Foto kanga nwa ni ti nye ka maliak niedi o meng ye o pa'al nidib la ban ning si'em ka nye nyovur lini ka'a naare (Ps. 34:7; 91:11; Daniel 6:22; Matt. 2:13; 13:39; 18:10; Acts 5:19; 12:7-10). Ti len nye ka asuntana pu bood ye o lalik ka bas sunr laa. Ne'enga zug ka Yisa yel ye ti gu'usim ka pu'us daar wusa ka so' da kpen' makirine, bozugo suntana bood ye o sa'ami ti ne ka ti da nye Wina'am (1 Peter 5:8; James 4:7).

FOTO AYU OBU LA

Ne' pa'an ne one lebid nya'ang o karim biidigin. O nif la si'ingi mu'od n bigis ye o lebid ne o Wina'am dolim ne, ka yinni la me kpen'eng ne got dunia tumbe'ed la. Neesim kane daa bee o sunrin la si'ingi kpiisid ne ka bun lini daa pa'an ye o na namisi tis Yisa la n bodik, ka o yu'un pi'ili tum bun lini som ye o kisili la. O na ten'es Wina'am, o ten'esid ne suntana yela lini a sa'aug, Wina'am yelug len ka' o sunrin ne ka si'el me kae na pa'al ye o ane Yisa din ne, o si'el wusa ane ziidi n tis o ka o pu



6. Sunr kane paam makir

len nyangidi pu'usid ne yaddaa o tuumbe'ed la kene ka nidib zot o, amaa lina nam wusa pudaamuu ka suntana yu'un paam doog n zi'i o yo'og zug. Dunia zuanam gaad Wina'am nidibaa? Karigimbani siig la yu'un sua' ye o kpe' o sunr, o yu'un ten'esid ye o ane ninkane sum ye ba pia' ne o ka tam ye lini ke ka o a' ala ane daam. Suntana na ye a maalima ala ka dunia nyoodila. Li pu toi ne ligid nongiri naa paa ti linzugo, asee ka ti mor Yisa yelug la. Lin ka Yisa yel ye "ti bangim ka sos Wina'am ka so' da kpe' makir puugin ne" (Matt. 26:41). Linzugoo one ten'es ye o ane kassi ka pu sos Wina'am o bene luubin (1 Cor. 10:12). Asee ka ti nok Wina'am zaba la'ad la lini na ke ka ti nyangi zab ne suntana (Eph. 6:11-18).

FOTO AYOPOI LA

Foto kanga pa'an ne one bas belim a' si'em on daa bang Wina'am ka bas la, ka len pa'an one nam pu ning tuba bee nokki o meng wusa tis Wina'am la'am ne Wina'am gbang la tua'as si'em tis o la wusa o pu nyet tilii.

Yisa meng tua'as one bas karung yela ka li nwanne sibe'ed la ya'a yii o sa'an, o ken ne zi'i kane a' kassi ka pu bood si'el ya'ase, amaa fu ya'a tum tuumbe'ed, suntana siig la na yel yekel ka m leb mam daa be si'el ka pi'ili mori o maliakuam la lebid na. Ka ba ya'a leb na nae la fu yu'un na tum tuum be'ed ka li gaad fun daa tum si'em la (Luke 11:24-26). Amaa li nwanne baa naan len dii o tiit be ban naa so' kukur ka o len keng bia'arin ne (2 Peter 2:22). Foto kanga pa'al ne ye onga bas ne bee o nam pu ning tubaa. Ka sisung one nwanne nwan la a' baalim n yi' ka bas o bozugo ba ku la'am nyangi bee. Li toi ne ka fu nokki fu meng n tis Wina'am ka lem be' suntana ni. Sisung on ka Wina'am yis la gurne ye fu tiak ka o leb na nwanne bibe'ed la daa ning si'em la (Luke 15:18).

Foto la kpela pu pa'al ye onga sob ning tubaa. O pu ten'esid



7

7. One bas karung sunri a' si'em la

Wina'am yela bee Yisa yelle, o yam ane ye o tum tuumbe'ed. Omor tuba ka pu nwumma bee nini ka pu goti nyet bumbok zulong la digi n guru laa. O me pu len zot nyan ne o tuumbe'ed la amaa o sunr nwanne yauk ne (Matt. 23:27).

Ziri wusa ba' n di'e sisung la ka bane a' bunkobid bani a tuumbe'ed dim Lucifer sa'an la. O na bood ye o faae o meng amaa ka ku nyangee. One daa ti sa'am Moses' zi'ik la amaa Yisa kena kpine ka ne' wusa (Heb. 10:28,29; 2 Peter 2:1-14).

Ka foto kanga nwaans ne fu sunr bee? M zua', Yelim Wina'am ka o na nyangi songuf, bozugo o siak ye o na' song so' wusa. O na nyangi lo' suntana ne o pang wusa n yis ka keef fu ya'a bood ye o songuf. Kukom la daa yel Yisa ye "fu ya' booda fu ton'on maalim ka m a' nyae" ka Yisa ye; "m bood, a' nyae." (Mark 1:40-41). Fu ya'a za'asi tiake ka nong ligidi gaad neesim fu lin ane kum; bozugo li yel ye "tuumbe'ed yood ane kum" (Romans 6:23).

FOTO ANII LA

Zi'i kanga ti nye ka one za'as Wina'am ka kpe'engidi o zuod ne tuumbe'ed puugin la yu'un koligit kum ka dabiem ne toog yu'un mor o. Kum yu'un paa o. Ka nid nwa pote'er tuumbe'ed malisim la wusa gaad ya ka li yu'un kpelim ne li yood di'er. Buting toog la wusa yu'un mor ne la'am ne one bood ye o sos Wina'am la o pu nyangida bozugo o daa za'as Wina'am. Faangir la da nam be dunia nwa ni la zuanam la da zot ne dabiem ne ban naa be ne o ka me kunyangi song oo. Ariza'as la ku len nyangi faae oo, ka me ku len nyangi songi o siig ya'ase. O ku len nyangi ning zuanam yadda ya'ase bozugo suntana ku tis o suor ka o nyangi maal ya'ase. Bun lini wusa ka o daa ti mor dunia ni nwa na la'aw, ka bane daa guru wusa ku len nyangi song oo bozugo o za'asi o daan la noor. Ka o yu'un bangid ye li ane yel toog n tis on wusa n li Wina'am one voi




8. Tuumbe'ed seria kadib

la nu'usin (Heb. 10:31). On daa ten'esid ye o na ti nyangi sos suguru dabissung sia' ni, amaa li yu'un tuuk ne ka li yu'un ane ye o kpi'. Nidib paam kpiid ne ka pu bangidi li ti'ire ka linzugo ba ku ton'on paam faangir sansa kan ka ba bang Wina'am laa. Li toi ne, linzugo, li sum ye ti ia' Wina'am sansa kanga, li sum ye o wum o naan kukor la. Nid nwa yu'un wummid ne o seria kadib lini a' Yisa kukor. Yisa kane daa kena kpi ye o faae o la ye o kadi o seria bozugo, o pu siaki o yelug laa, "kemisa yanam bane ka Wina'am po' nobe'ed n tisi ya la" (Matt. 25:41). Ka li nwan wuu lin zi'el ye "saalib kpi vuguri ka lin nya'ang ka seria kadib be" (Heb. 9:27).

FOTO AWAI

Suntana ne o sibe'ed nam la wusa giligid ne karimbiig nwa sunrin n bood ye ba luk Wina'am biig nwa ka pu nyangi da. Wiligimmeng, tinong galisug, po' asa'ung ne zabnong galisug siig me la'am paas kpe'.

Webaa la zi'igin la: ti yu'un nye bun na ani bozugo be'ed kene saal sa'an na suoya kon'ob-kon'ob ka me sua'adi o meng. Amaa karimbiig kane gu'usid la bangid bunam wusa bani to'ong ka dol suosieba ni, bozugo Wina'am siig la pa'ani o. So' na ton'on mor daam ne nwam n wa'adi giligid karimbiig nwa bee gua' po'asadvenlling n kena ye o tis o. Dau yinni la fotto la ni kpa'ane kunbug karimbiig nwa sunrin, zilimbe'ed pia'ad ne tu'ud ne Wina'am biis la kisigir nyit nebane ma' ye ba ane karimbiis la ni. Amaa nid kpine tis dunia nwa ni ne li yela wusa ka voi n tis Yisa ne o yelug la. "Bareka bene yanam ban ka ba namisid la." Wina'am kaanbid ya yela. Mori sumalisim tita'ar bozugo ya nyood ane pamm arizana ni (Matt. 5:11-12). Ningbing la boodim ne dunia nwa boodim kpe'engid ye ba nwelig karimbiig nwa' ka pu nyangida. Ne' ane sumalisim tita'ar, karimbiig nwa yel ye "anon'oni na ton'on nwelig mam ne m Wina'am" (Rom. 8:35) ayei li ning ne wuu lin daa sob Wina'am gbangun si'em yee,



9. Nyangir sunr

Wina'am dollum zug ka kum namisiti dabsa za'a. Ka yee, ba gossiditi ka ti nwan wuu bungkobid ka ba ye ba ku' ne.

Yel bama ku bakki tii. La'am ne yel ban wusaa n kene ti sa'an na la, Yisa one nongiti la na ke ka ti nyangi ba wusa ka kee bas (Rom. 8:37). O na yee o zaba la'ad la lini na ke ka o nyangi zi'en suntana makir wusa.

Nwadbil:- O sunr nwadbil la ane nyain. Wina'am siig bee o sunrin ka o mor yadda lini vigisida. Maliaka la zi Wina'am yelug la zi'e siigin la ti'elu ne Wina'am kaanbug lini ka o tisidi o biis la, lini nyit Wina'am lombo' ogun la (Rev. 2:7,11,17,26; 3:5,12,21).

Ligidi kolug kane yo'og la pa'anne ye ka'a o sunr ma'aa ka o zangi n tis Wina'am, amaa o ligidi wusa me ane Wina'am din on naa mori ginni nuudin daam la, o mori sungid ne tadimnam ka o ariza'as wusa a' Wina'am din.

Ziing ne boduoboduo pa'an ne su kane mor laafi ka a' nyain. O pu sa'amidi li ne danuure bee taba nuub bee ziim diibine ne di be'ede. O pu mori li n nuud ti yoodee amaa o mori li n dit ne disuma lini na zuoi Wina'am yu'ur. O sunr la yu'un lieb ne karim doog kamosid Wina'am li puugin zi'ikan wusa ka o be.

Gbang kani yo'og la pa'an ne ye o karim ne Wina'am yelug m paamid yam, pang, bangir ne ariza'as n yit ne lin ni. Li yu'un ane fittiri o suor zug ka a' o siig diib ne o ku'om ka lem a gotting lini ka o goti nyeti o mengi li puugin.

O nong ye zi' kum dapuuda la bozugo o mi ye na'am zupibik la nyit ne anina na. One voi ne yisa la o got ne arizana yela ma'aa, o ti'ebid ne ye o nye Wina'am, o nwanne tiig lini kpi'ene kolug ne, o wen ne welsuma sanga wusa. O pu zot kum dabiem

baa bi'elaa bozugo Wina'am nongilim lin ka o paam la galis ne n yit Wina'am siig la nina.

FOTO PIIGA LA

"Ka Yisa yel ye, mam ane kum vu'ugur ne nyovur, one ning man yadda hali o ya'a ane kum o na vu'ug ka on mekama voi ka ning m yadda ku kpil" (John 11:25-26). Asida ka m yetif yee one ning m pia'ad la yadda ka ning one tum m la yadda mor nyovur lini ka' ben ne. Ba ku kat o seria ka o na yi kumin ne n kpen' nyovurin (John 5:24). Karimbiig pu zot kum dabiem baa bi'el laa (1 Cor. 15:54-57). Ning kane voi n tis Wina'am pu zot kum dabiem, Paul kum sanga da paae la o daa mor sumalisim pamm (Phil. 1:23). Karimbiig wusa bood ye o nye faangid kane da kpila nindaa ka Wina'am siig la len tied Yisa yelug la "da ke ka ya sunya sa'aminya, ningimi Wina'am yadda ka ning m yadda, m ba' yir dood bedigo. Ya'aka'ane alaa, m naan ku yelini ya ye m ken ne ye m maal zin'igi ya zugoo. Ka m ya'a keng maal zin'ig la n naae, m na len kena n di'eya lebi m sa'an, ka ya na be zin'ig kan ka m be la. Ka mam ken si'el la ya mi'ine, ka lem mi' li suor men. (John 14:1-4; 1 Cor. 2:9). Piauk buudi ka' dunia nwa ni lini ka ti na nokki n mak ne Wina'am yire, amaa li sum ne ye ti dol Yisa noba la ti paae ti ben dunia nwa ni. Li ane ye o zo' kum dabiem laa? Li ane Wina'am maliak la kena zi'e gur o m bood ye o mor siig nwa n kul. Siig la yu'un yine ningbing la puugin ka yu'un kpen'ed arizana lini yo'ogi gur o la ni, ka na nye one daa da saazug la. Wina'am meng na di'e siig nwa ne sumalisim ka yel ye "m bi'sungo gaadim kpen' fu zugsob sa'an" (Matt. 25:21).

Suntana len ka'a lini ka o na maali zangi ken kassi siig nwa nii (Ps. 116:15; Rev. 14:13).



10. Girima kulig

NAAR KPEMSUG

M ba' biig one karim gbang nwa Wina'am na sunguf ka fu zang fu sunri tiso bozugo o zi'ine fu doog za'anoorin n belim n yet ye "m biiga, tisi mi fu sunr" (Prov. 23:26). Zangimi fu ziid, toog ne fu namsug wusa n tis Yisa ka o na tisifsu' paal. "Da ke' ka fu meng potenda beligi fo" (Prov. 28:26). Za'asim tuumbe'ed ka gba'ae popielim ne suur wusa bozugo tuumbe'ed yood ane kum ka Wina'am a' nyovur lini ka' naare (Rom. 5:26). Fu kane zangi fu sunr wusa n tis Wina'am, kpen'engim ka siak o yelug la ne ti'ir ne yadda lini be Wina'am sa'an la (2 Tim. 1:12). Wina'am nyangi guri ya ka ya pu li tuumbe'ed di ne ka mori ya keng o tuon o na'am pang zi'igin ka gbada kae, ka sumalisim be pamm. One a' Wina'am gulumm ka a' ane faaditi ka li yii ti zugsob Yisa sa'an na n nyet na'asi ne yu'ur tita'ar ne so'olim ne kpi'en sansiesa ne nannanna ne sansa kane kenna wusa (Jude 24,25).

Karim. (1 John 3:4-10).

“On kam za’a tum tuumbe’ed, o sa’am Wina’am wada la. Tuumbe’ed ane wadasa’ung.”

“Ya mi’ ye Yisa da pu mor tuumbe’edi o nii, ka da kena zangi ti tuumbe’ed bas.”

“Dinzugo on kam za’a be Yisa sa’an pu yiti tum tuumbe’ede. Ka one yiti tum tuumbe’ed nam pu nye on a si’em koo mi’ oo.”

“M biise, de ke ka so’ ma’a yaa. On kam za’a tum dini a sum ane popiel wenne wuu Yisa a popiel si’em la.”

“Suntana tum be’ed hali dunia singirin sa. Ka one yiti tum tuumbe’ed ane o nid. Ka Wina’am Biig la da kena ye o sa’am sutaana tuumaa.”

“On kam za’a a Wina’am biig pu yiti tum tuumbe’ede, Wina’am nyovur bee o sa’an la zug. Ka Wina’am aa o Saam la zug, ka o ku len nyangi yiti tum tuumbe’ede.”

“Ne’enga ke ka ti bang bane a Wina’am biis ne bane a sutaana biis la. Li ane ye on kam za’a pu tum dini a sum, koo pu nong o tiraan, ka’ Wina’am biiga.”

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique finacee de dons

Missao de literatura Evangelica financiada por donativos

(Reg. No. 1961/001798/08)